



ხელშეკრულება N24

ქ. თბილისი

04. 03. 2016 წელი

შპს „სან პეტროლიუმ ჯორჯია“ (შემდგომში „მიმწოდებელი“), წარმოდგენილი მისი კორპორატიული გაყიდვების დეპარტამენტის უფროსის იოსებ ქარსელაძის სახით, მოქმედი მინდობილობის საფუძველზე, და დედოფლისწყაროს მუნიციპალიტეტი (შემდგომში „შემსყიდველი“), წარმოდგენილი მისი გამგებლის პირველი მოადგილის სოლომონ ღორაშვილის სახით, ნავთობპროდუქციის (საწვავის) 2016 წლის კონსოლიდირებული ტენდერის სატენდერო დოკუმენტაციის მე-5 მუხლის 5.9 პუნქტისა (საწვავის შესყიდვა კონსოლიდირებულ ტენდერში არაგამარჯვებული მიმწოდებლისგან გამარჯვებული მიმწოდებლის აგს-ის 15 კილომეტრზე მეტი დაშორების შემთხვევაში) და სსიპ სახელმწიფო შესყიდვების სააგენტოს 2016 წლის 2 მარტის N1176 ნებართვის საფუძველზე ვდებთ წინამდებარე ხელშეკრულებას (შემდგომში „ხელშეკრულება“) და ვთანხმდებით შემდეგზე:

1. ხელშეკრულების საგანი

1.1. წინამდებარე „ხელშეკრულების“ საგანია: ტალონური სისტემის მეშვეობით „მიმწოდებლის“ ავტოგასამართ სადგურებზე „შემსყიდველისათვის“ საავტომობილო საწვავის, საერთო რაოდენობით 3670 (სამი ათას ექვსას სამოცდაათი) ლიტრი G – Force პრემიუმის -ს მიწოდება.

2. ტალონების და საწვავის გაცემის პირობები

- 2.1. „მიმწოდებელი“ „შემსყიდველს“ საწვავის ტალონებს გადასცემს მიღება-ჩაბარების აქტის საფუძველზე;
- 2.2. მიღება-ჩაბარების აქტი მოიცავს საწვავის სახეობას, ტალონების ნომინალს და ინდივიდუალურ ნომერს, საწვავის საერთო რაოდენობასა და საწვავის ფასს;
- 2.3. მიღება-ჩაბარების აქტით ტალონების გადაცემის შემდეგ „შემსყიდველზე“ გადატანის ტალონების დაზიანების, განადგურების და დაკარგვის რისკი, „მიმწოდებელი“ თავისუფლდება ტალონების გამოცვლის ან დაკარგვით გამოწვეული რაიმე სახის ზიანის ანაზღაურების ვალდებულებისგან;
- 2.4. ყოველგვარი გაუგებრობის თავიდან აცილების მიზნით „მხარეები“ თანხმდებიან, რომ საწვავის ტალონ(ებ)ი არის ვადიანი და მისი (ტალონის) ვადა განისაზღვრება ფაქტიურად გაცემის დღიდან 1 (ერთი) წლის ვადით. „შემსყიდველზე“ გადაცემული ტალონები არ ექვემდებარება უკან დაბრუნებას ან სხვა სახეობის ტალონებზე გადაცვლას;
- 2.5. ტალონით საწვავის გაცემისას დაუშვებელია ავტოგასამართ სადგურზე წარმოდგენილი ტალონის ნაწილობრივი განადგება.

3. ფასი და ანგარიშსწორება

3.1. მხარეები თანხმდებიან, რომ ფასი განისაზღვრება ანგარიშ-ფაქტურის გამოწერის დღეს „მიმწოდებლის“ საცალო ქსელში დაფიქსირებულ ერთი ლიტრი: G – Force პრემიუმის ფასს მინუს 0.20 (ოცი თეთრი). ერთი ლიტრის ღირებულება შეადგენს 1.49 ლარს დღგ-ს ჩათვლით, ხოლო წინამდებარე „ხელშეკრულებით“ განსაზღვრული გასაყიდი საწვავის სრული ღირებულება შეადგენს 5468.3 (ხუთი ათას ოთხას სამოცდათ ლარი და ოცდაათი თეთრი) ლარს დღგ-ს ჩათვლით (საწვავის ფასდაკლებული ღირებულება), ამასთან, მხარეები თანხმდებიან, რომ საწვავის ფასი/საწვავის ფასდაკლებული ღირებულება შეიცავს საწვავის შენახვასთან და ბრენდირებულ აგს-ებზე მიწოდებასთან დაკავშირებულ ყველა ხარჯს.

3.2. საწვავის ფასის ან/და საწვავის ფასდაკლებული ღირებულების შეცვლა შესაძლებელია მხარეთა წერილობითი შეთანხმებით, რაც აისახება ამ ხელშეკრულების დანართებში, ინვოისებში, შესაბამის მიღება-ჩაბარების აქტებსა და საგადასახადო ანგარიშ-ფაქტურებში.

3.3. „მიმწოდებელი“ უფლებამოსილია თავისი შეხედულებისამებრ, ნებისმიერ დროს გადახედოს საფასო პოლიტიკას, რის შესახებაც „შემსყიდველს“ ატყობინებს 10 (ათი) დღით ადრე ახალი საფასო პოლიტიკის ძალაში შესვლამდე. „შემსყიდველი“ უფლებამოსილია არ დაეთანხმოს ახალი საფასო პოლიტიკით ურთიერთობის გაგრძელებას, რის შესახებაც მან დაუყოვნებლივ უნდა აცნობოს „მიმწოდებელს“. ამ უკანასკნელ შემთხვევაში ხელშეკრულების მოქმედება ითვლება შეწყვეტილად, თუ „მიმწოდებელი“ კვლავ არ გამოთქვამს სურვილს მოქმედი საფასო პოლიტიკით ურთიერთობის გაგრძელებაზე.

3.4. „შემსყიდველი“ ანგარიშსწორებას ახდენს ლარში, საგადასახადო ანგარიშ-ფაქტურის გამოწერის დღიდან არაუგვიანეს 5 (ხუთი) სამუშაო დღეში, გადახდა უნდა განხორციელდეს უნაღდო ანგარიშსწორების წესით;



3.5. „მიმწოდებლის“ წინასწარი მოთხოვნის შემთხვევაში „შემსყიდველი“ ვალდებულია წინასწარ წარმოადგინოს საბანკო გარანტია „მიმწოდებლისათვის“ მისაღები ფორმით, რომლის ვადაც არანაკლებ 10 (ათი) დღით უნდა აღემატებოდეს კონსიგნაციის ვადას.

3.6. „შემსყიდველის“ მიერ გადახდის ვალდებულება შესრულებულად ჩაითვლება ანაზღაურების სრული თანხის წინამდებარე ხელშეკრულების მე-9 მუხლში მითითებულ „მიმწოდებლის“ საბანკოგარანტიის ან „მიმწოდებლის“ სალაროში შესაბამისი ნაღდი თანხის მიღების მომენტიდან;

3.7. ვადაგადაცილებულად ჩაითვლება დავალიანება, თუ „შემსყიდველი“ არ დაფარავს „მიმწოდებლის“ მიმართ არსებულ დავალიანებას ამ „ხელშეკრულების“ პუნქტი 3.4.-ში მითითებულ ვადაში;

3.8. „შემსყიდველის“ მიერ გადახდის შეთანხმებული ვადების გადაცილების შემთხვევაში (როდესაც „შემსყიდველი“ არ აანაზღაურებს ან არასრულად აანაზღაურებს შეძენილი საწვავის ღირებულებას), „მიმწოდებელი“ უფლებამოსილია დაარიცხოს და მოსთხოვოს „შემსყიდველს“ პირგასამტეხლო ასანაზღაურებელი თანხის 0,5%-ის ოდენობით ყოველ ვადაგადაცილებულ დღეზე. იმ შემთხვევაში, თუ „შემსყიდველის“ მხრიდან წინამდებარე „ხელშეკრულებით“ განსაზღვრული გადახდის რომელიმე ვალდებულება იქნება დარღვეული/ვადაგადაცილებული ერთ თვეზე მეტი ხნის ვადით, „მიმწოდებელი“ უფლებამოსილია ამ მუხლში ზემოთ მცემულ პირგასამტეხლოსთან ერთად, ჯარიმის სახით დააკისროს „შემსყიდველს“ იმ პერიოდში ვალუტის კურსის ან/და საწვავის საბაზრო (საერთაშორისო ან/და ადგილობრივი) ფასის ცვლილებით მიღებული ზარალის/ზიანის სრული ოდენობა. ამასთანავე, მხარეები თანხმდებიან, რომ წინამდებარე „ხელშეკრულების“ ამ პუნქტით განსაზღვრული ნებისმიერი პირგასამტეხლოს/ჯარიმის დაკისრება წარმოადგენს მხარის უფლებას და არა ვალდებულებას. პირგასამტეხლოს მიღების უფლება მოპოვებულად ითვლება და შესაბამისი თანხა ექვემდებარება გადახდას დამრღვევი მხარისათვის წინასწარი წერილობითი მოთხოვნის საფუძველზე. ამასთან, პირგასამტეხლოს დარიცხვა განხორციელდება მოთხოვნის წარმოშობის მომენტიდან, მიუხედავად წერილობითი მოთხოვნის თარიღისა.

4. მხარეთა უფლებები და ვალდებულებები

4.1. „მიმწოდებელი“ ვალდებულია „შემსყიდველის“ მიერ წინასწარ გაკეთებული მოთხოვნიდან 3 (სამი) დღის განმავლობაში, სამუშაო დღეების (უქმე დღეებად ითვლება შაბათი და კვირა) სამუშაო საათებში გადასცეს „შემსყიდველს“ ან მის უფლებამოსილ წარმომადგენელს შესაბამისი ტალონები და შეასრულოს ამ „ხელშეკრულებით“ ნაკისრი სხვა ვალდებულებები;

4.2. „შემსყიდველი“ ვალდებულია:

4.2.1. ამ „ხელშეკრულების“ შესაბამისად, მოახდინოს ანგარიშსწორება „მიმწოდებელთან“;

4.2.2. საწვავის ტალონების მისაღებად, თავის წარმომადგენელს გადასცეს დოკუმენტი, რომლითაც დადასტურდება მისი უფლებამოსილება ტალონების მიღებაზე;

4.2.3. „შემსყიდველი“ ვალდებულია „მიმწოდებელს“ დაუყოვნებლივ მიაწოდოს წერილობითი ინორმაცია უფლებამოსილი პირის ცვლილების შესახებ.

4.2.4. „შემსყიდველი“ უფლებამოსილია განახორციელოს მიმწოდებლის მხრიდან ხელშეკრულებისა და მასში შემავალი დოკუმენტების პირობების შესრულების კონტროლი. მიმწოდებლის მხრიდან ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს დედოფლისწყაროს მუნიციპალიტეტის გამგეობის ადმინისტრაციული სამსახურის სპეციალისტი მატერიალურ-ტექნიკური უზრუნველყოფის საკითხებში ზაქარია მამდარაშვილი.

5. ხელშეკრულების მოქმედების ვადა

5.1. წინამდებარე „ხელშეკრულება“ ძალაში შედის მხარეთა მიერ მისი ხელმოწერის დღიდან და მოქმედებს 2016 წლის 4 მარტიდან 2016 წლის 15 აპრილამდე.

5.2. საქონლის მიწოდების ვადაა 2016 წლის 4 მარტიდან 2016 წლის 15 მარტამდე.

5.3. „მიმწოდებელი“ უფლებამოსილია ერთი კვირით ადრე გაგზავნილი წერილობითი შეტყობინების საფუძველზე ვადამდე შეწყვიტოს წინამდებარე „ხელშეკრულება“. ასეთი შეწყვეტა არ ჩაითვლება ხელშეკრულების დარღვევად. ამასთანავე, „ხელშეკრულების“ ნებისმიერი მხარე უფლებამოსილია ცალმხრივად, ვადამდე შეწყვიტოს ამ ხელშეკრულების მოქმედება, თუ მეორე მხარე ვერ ან არაჯეროვნად ასრულებს „ხელშეკრულებით“ ნაკისრ ვალდებულებებს. „ხელშეკრულების“ შეწყვეტა არ ათავისუფლებს მხარეებს შეწყვეტამდე არსებული ფინანსური ვალდებულებების შესრულებისაგან.

6. ფორსმაჟორი

6.1. მხარეები თავისუფლდებიან პასუხისმგებლობისაგან ამ „ხელშეკრულებით“ გათვალისწინებული ვალდებულებების შეუსრულებლობის ან არაჯეროვანი შესრულებისთვის, თუ აღნიშნული შეუსრულებლობა/არაჯეროვანი შესრულება გამოწვეული იყო დაუძლეველი ძალით/გარემოებებით, რომელთა დადგომისას/არსებობისას მხარე, მისგან



დამოუკიდებელი მიზეზების გამო, მოკლებული იყო შესაძლებლობას ჯეროვნად შეესრულებინა ამ „ხელშეკრულებით“ გათვალისწინებული ვალდებულებები. აღნიშნულ დაუძლეველ გარემოებებს განეკუთვნება (მაგრამ არ შემოიფარგლება): ყველა სახის სტიქიური უბედურება მიწისძვრა, წყალდიდობა, ეპიდემია, პანდემია, აჯანყება, საბოტაჟი, ბლოკადა, საომარი მოქმედება, სამოქალაქოომი, ომი, საქართველოს კანონმდებლობაში მომხდარი ცვლილებები (ფორს-მაჟორული გარემოებები). მხარე რომელსაც შეეხება ამგვარი ფორს-მაჟორული გარემოებები ვალდებულია მეორე მხარეს გონივრულ ვადაში (მაგრამ არაუგვიანეს 5 სამუშაოდღისა) წერილობით აცნობოს ფორს-მაჟორული გარემოებების დადგომის შესახებ.

6.2. ფორს-მაჟორული მდგომარეობის დასრულებისთანავე, მხარეები ვალდებული არიან სრულად აღადგინონ (გააგრძელონ) ამ „ხელშეკრულებით“ განსაზღვრული უფლება-მოვალეობების შესრულება. მხარეები თანხმდებიან, რომ თუკი ამგვარი ფორს-მაჟორული გარემოება გრძელდება 3 (სამი) თვეზე მეტხანს ნებისმიერი მხარე უფლებამოსილია გაგზავნილი წერილობითი შეტყობინების საფუძველზე შეწყვიტოს წინამდებარე „ხელშეკრულება“. ამასთანავე მხარეები თანხმდებიან, რომ „შემსყიდველი“ ვალდებულია „მიმწოდებელს“ სრულად აუნაზღაუროს „ხელშეკრულების“ შეწყვეტამდე „მიმწოდებლის“ მიერ ფაქტიურად გადაცემული ტალანების სრული ღირებულება.

7. დავების გადაწყვეტა

7.1. მხარეები მიიღებენ ყველა ზომას, რათა ამ „ხელშეკრულებიდან“ გამომდინარე ყველა სადავო საკითხი გადაწყდეს მოლაპარაკების გზით.

7.2. საკითხის მოლაპარაკების საფუძველზე გადაწყვეტის შეუძლებლობის შემთხვევაში, ყველა სახის დავა, რომლებიც წარმოიშობა მხარეებს ან მათ წარმომადგენლებს შორის, განიხილება საქართველოს კანონმდებლობით დადგენილი წესით.

7.3. მხარეები თანხმდებიან, რომ ამ „ხელშეკრულებიდან“ გამომდინარე, ან მასთან დაკავშირებული ნებისმიერი დავა, უთანხმოება ან მოთხოვნა, მათ შორის ამ „ხელშეკრულების“ შესრულების, დარღვევის, შეწყვეტის, ან ბათილობის საკითხი, განსახილველად და საბოლოო გადაწყვეტილების მისაღებად გადაეცემა საქართველოს სასამართლოს.

8. სხვა პირობები

8.1. ამ „ხელშეკრულებაში“ ცვლილებების შეტანა შესაძლებელია მხარეთა ურთიერთშეთანხმებით. ამ „ხელშეკრულების“ ყველა დამატება და ცვლილება უნდა შესრულდეს ამ „ხელშეკრულების“ ფორმის დაცვით;

8.2. ამ „ხელშეკრულების“ რომელიმე პუნქტის ბათილად ცნობა არ იწვევს მთელი „ხელშეკრულების“, ან მისი სხვა პუნქტების ბათილობას;

8.3. ეს „ხელშეკრულება“ შედგენილი ათანაბარი იუდირიული ძალის მქონე 2 (ორი) იდენტურ ეგზემპლარად, რომელთაგან ერთი რჩება „მიმწოდებელს“, ხოლო მეორე - „შემსყიდველს“.

9. მხარეთა რეკვიზიტები და ხელმოწერები:

შპს „სან პეტროლიუმ ჯორჯია“
იურიდიული მისამართი: ქ. თბილისი,
ვაკე-საბურთალოს რაიონი,
ჭავჭავაძის გამზ., №34, სართ. №6
საიდენტიფიკაციო კოდი: 404391136
ბანკი: სს „საქართველოს ბანკი“-ს ც/ფ
ბანკის კოდი: BAGAGE22
ანგარიშის № GE62BG000000876831000
ბანკი: სს „თბილისი ბანკი“-ს ც/ფ
ბანკის კოდი: TBCBGE22
ანგარიში № GE05TB7538836020100001

დედოფლისწყაროს მუნიციპალიტეტი
იურიდიული მისამართი: ქ. დედოფლისწყარო,
კოსტავას ქ. № 44.
საიდენტიფიკაციო კოდი: 228542413;
ბანკი: სს „ლიბერთი ბანკი“
ბანკის კოდი: LBRTGE22
ანგარიშის N GE96LB0120150072330002

„მიმწოდებლის“ სახელით



„შემსყიდველის“ სახელით,

